

16  
DISCURSUS PUBLICUS  
D E  
JURE AC POTESTATE  
P A R L A M E N T I  
BRITANNICI,

*Quem*

D. T. O. B. A.

ATHENIS SALANIS

Suffragio

*Illustris* *Factorum* *Ordinis*,

in argumentum disputandi  
publicè exponunt

JOANNES ANDREAS Gerhard /D.

*et*

ORTHGIES Schulte Nob. Bremens.

*ad d. Jul.*

horis confectis

in Auditorio Juridicò.

7 EN E

Typis GEORGI SENGHWALDI,

ANNO M DC LX.

12



THE STATE OF NEW YORK

IN SENATE

JANUARY 1, 1891

REPORT

OF THE

COMMISSIONERS OF THE LAND OFFICE

IN RESPONSE TO A RESOLUTION

PASSED BY THE SENATE

APRIL 1, 1890

ALBANY:

JOHN B. LANE, PRINTER.

1891.

THE STATE OF NEW YORK

IN SENATE

JANUARY 1, 1891

REPORT



Regis nomen. Hanc rerum revolutionem mecum perpendens, animum admirationis subit novi hujus & inviditari prorsus Exempli. Rex regnò pulsus, sedibus suis restituitur, non metu, non sanguinis effusione, sed statim pacati, amore Gentis suæ, decretò PARLAMENTI. Cujus jus ac potestatem, tam in statu Reip. turbato, quam in Regis restitutione, hodiè considerare, animus nobis est. D. F.

§. II.  
BRITONUM METAMORPHOSIS.

SI statum *Britanniæ*, modernum perpendas, non potest non mirari varietatem Populi hujus. Quondam Regia Dominationi infensissimus ad libertatem proclamabat. Mox dum libertatem nactus videbatur sibi, in veram servitutem se detrucebat, supremum sibi eligens non sanguinem ac naturâ talem, sed parem. Hodie ad sanos redit mores, & execratur pristini temporis memoriam, liberatus metu *Cromwells*, veterisq; Parlamenti, quod per deterrimam nefas abreptum Regem nondum poscenti reddidit caelo. Nunc Regalè sceptrum ad imòs dejectum erigit iterumque veramq; libertatem adspirat, quam cum Rege cjecto statuerat amissam. Dum KAROLUS I. Martyr in sacrali theatro securi percutiebatur, ipse KAROLUS omnibus erat tyrannus, aut si non erat, dici tamen debebat; imò tota *Gen. Stuartica* Patriæ gravis, infesta, inimica. Hodie dum ad se redièrè Britones, fatentur ipsi, se non tyrannum, sed Regem tantum, & optimū peremisse, libertatemq; domumque, quæ amiserint, verè amisisse. Erat in Suprema Insuperiorum Camera Parliamenti, quæ in omnibus & singulis actibus, & supra Imaginem KAROLI I. Sequitur hæc Insuperiorum Camera, quæ super scripta hæc. Ego propter Regem & Populum Britannicæ Imperii d. Januarius.

30. ANNO 1649. Hodie animis mutatis tabulam quoque mutarunt, scribentes: ECCE, EXIT NON TYRANNUS, SED REGUM HOMINUMQUE OPTIMUS, ANNO LIBERTATIS ANGLIAE MISSAE PRIMÔ, Januarii 30. Anno 1649.

§. III.

PARLAMENTI NOTATIO.

Satis prælocuti sumus. Nunc ad ipsam rem De PARLAMENTI voce barbarâ, per crebrum tamen usum. Civitatis Romana donatâ, diximus in Discursu de *Parlamentis Gallis*. Utuntur enim eâ voce & Galli & Itali & Angli, paulò tamen diversimodè. In *Gallia* Parlamenta dicuntur supremae Justitiæ Curiae. Sed in *Britannia*, Parlamenta (si summam dicere velimus, quod res est) nihil sunt aliud, quam solennes Regni conventus, seu supremae Gentis concilia, quae in hunc finem constituuntur, ut de summis Rebus in commune consilia in illis suscipiantur & instituantur. Add. Milton. cap. 9. *Defens. pro Pop. Angli. p. m. 64.* Et uti *Livio* universum Aetoliae Concilium *Panatolium* dicitur; ita hujusmodi Britanniae Conventum non malè *Pananglium* vocare possis. Omnis enim Regni vigor ibi consistit, Cleri, Nobilium, Populorum. Duces, Marchiones, Comites, Barones, nobilitatis in Republicâ pars defunguntur vice Equites, Armigeri, Nobiles & Plebei, multitudinè locum obtinent Cleri nomine Praesules adiunt. Caput hujus Corporis à multis seculis ipsa Regia Majestas, quam post turbatum Reip. statum per duofere lustra repraesentare videbatur novus *Insulae Protector Cromwellus*. Haud verò, ex quo post fata hujus, Britones novum *Protectoris* nomen ejurarunt, Regemque, quem ipsa Natura ipsis dedit, magnis cum tripudiis reduxerunt, KAROLUS iste non Parlamenti modò, sed totius Gentis Caput est & Imperator gloriosissimus.



§. IV.  
PARLAMENTI DIVISIO.

**A**ugusta hæc Patrum Municipumque Conscriptorum Corona si congregatur, distinguitur in duas Domos: *Domum Superiorem ac Inferiorem*. Superior, das *Oberhaus*/ *Domus Patrum*, vulgò *Domus Dominorum* cognominatur, & in hac Princeps Ipse summus tanquam caput hujus Corporis (prout §. præted. demonstravimus) sedet in excelsis & augustò thronò, sub aureo & sericò cœlò; A latere Ejus, Dynastæ trabeati, Archiepiscopi, Episcopi, Duces, Marchiones, Comites. Inferior, das *Unterhaus*/ *Domus Communium*, ex Equitibus Provincialibus, & Civibus Urbium à Populo deputatis constat. Ex singulis nimirum Comitibus vocantur duo milites gladiò cincti seu Equites; & ex singulis Comitatum Civitatibus duo Cives. Ex penes hanc *atramq;* Domum simul sumtam omnis *Parlamentum* & auctoritas consistit, adeo ut nulla promulgatio Decreti Constitutionis aut Edicti Parlamentarii vim & effectum sortitur, nisi utraq; Domus præbuerit assensum. *Thom. Smith. lib. 2. de Rep. Angl. cap. 3.* Ita enim post constitutum hinc duplicem Domum placuit, ut nihil magni aut ardui in Parlamento constituatur, nisi utraq; Domus, i. e. & Dominorum & Communium seu Plebeyorum consenserit. Olim quidem sub antiquis Regibus Anglo-Saxonicis, imò & sub prioribus ex Normannici Victoris Domò Plebs ad Comitia Regni non videtur vocata esse, sed ad *Concilium Sapientum*, quod hodiè peregrinà voce *Parlamentum* nuncupatur, soli Episcopi & Proceres convenire Regis Edictò jobebantur. Sanè sub illis Regibus, qui ante Normannos Principatum in Insulâ tenuerunt, Regis, Episcoporum & *Optimatum* tantum mentionem fieri legimus, ubi de majoribus

rebus deliberandum erat, nullam omnino *plebis deputato-*  
*rum*; prout latè hoc probat Salmasius in *Defens. Reg. cap. 9.*  
*pag. m. (edit. Paris.) 107.* Non semper igitur duæ Parla-

menti Domus fuere, sed sub *Eduardò* demum III. primùm  
contigisse refertur ut *Communes*, uti vocantur, Domum per  
se constituerint separatam. De quò tamen adhuc ipse  
dubitat Salmas. *d. l.* an tùm vocari primùm cœpti sint ple-  
bei ad hos Regni *Conventus*. Sed quocunq; tempore  
Parlamentum in duas Domos fuerit divisum, id tamen  
certum est, quod suprà ex *Smitho* retulimus, quòd statim, ex  
quò hæc divisio recepta, in rebus magnis deliberandis &  
statuendis *utrisq; Domus* assensus necessarius semper fue-  
rit. Istis arduis gravibusq; Regni negotiis cùm quoti-  
diè Conscripti hi Proceres avocentur, privatorum litibus ac  
controversiis vix aut rarissimè vacant. Si tamen sive inter  
privatos, sive Principem inter & privatum, super hereditate,  
vel feudò, vel aliâ re lis oriatur, & causa illa, sive civilis sive  
Criminalis, ad Supremum hoc Concilium deferatur, litis  
summa paucis in schedulâ comprehensa ter in Utrâque  
Domò renunciatur, de quâ illustris Senatus iste tùm sen-  
tentiam dicit.

### §. V.

## PARLAMENTI CONVOCATIO

antiqua ac frequens.

**N**ostri Reges, ait Bodinus Gallus lib. 3. de Rep. cap. 7. *notè*  
*ita sepi, ut Angli. Comitibus argunt.* Antiquiori quidem  
tempore Reges Britannix non nisi in initio aditi Regni Parla-  
mentum seu publicum Regni Conventum instituebant,  
*Id. d. Vergil. lib. XI. de Reb. Angl. fol. m. 185.* ad quem referre  
solebant, quicquid ad Publicam Rem benè gerendam aut  
conservandam deliberandum erat. Refert hoc institutum  
*Vergilius d. l.* ad *Henrici Regis* tempora, cò quòd ante Eum

non consueverint Reges Populi Conventionem consultandi  
causâ, nisi perrarò, facere. Hoc certum est, sub Regibus  
ante Guilielmum Conquestorem nullam *Parliamenti* men-  
tionem extare. Nominis puta, res & antè fuit. *Miltonus*  
*Defens. pro Pop. Angl. cap. 8. pag. m. 76.* Tempore enim, quò  
Saxones Insulam tenebant, *Concilium Sapientum* vocantur Co-  
liti, quod hodiè dicunt *Parlamentum*. Probat latè hoc  
Miltonus *d. cap. 8. pag. 70.* nec illustris diffidetur Salmasius  
in *Defens. Reg. cap. 8. pag. m. (edit. Paris.) lib. 4. in fin.* Sapientes  
illos seu Senatores Regni, Saxones vocarunt *Aldermani*,  
*Seniores*; quod nomen hodieque in Angliâ obtinet & Sena-  
toribus attribuitur Londinensibus. Sed rariùs illud *Con-  
cilium Sapientum* seu *Prudentissimorum* convocabatur: Suc-  
cedenti verò tempore frequentius; forsan ut impedirentur  
conjuraciones subditorum, aut corrigerentur vitia, &c.  
vel propter ingruentia bella externa, aut aliam quamlibet  
majorem vim aut necessitatem, vel etiam propter impe-  
randa nova tributa ad Exercitus conferibendos aut ad ali-  
quod generis, quæ ad summam Rem pertinent, ut publice con-  
sultaretur, quibus modis expeditionibus Regi & Regno  
subveniat. Poterant quidem Reges jure suo, etiam sine  
consensu Populi, tributa imponere atque exigere; & quod  
tamen videbatur, causâ necessitatem publice Civibus de-  
monstrare, & publicam utilitatem, quæ ab illis exigeret sub-  
sidium. In turbato Britannicæ statu, triennio vel etiam  
 sæpiùs Parliamentum convocari placuit. *Brit. antiqua*  
*in tract. de constit. nuper Reg. Angl. pag. m. 68.* Frequenter  
igitur Parliamentum, non tamen perpetua aut continuæ. Per-  
petuitas Parliamentorum uti Angliis semper fuit exota, ita &  
ingenio eorum convenire non videtur. Appositè quidam  
Anglus: *Parlamenta, interpositò certò intervallo, mediocriter*  
*non victus in modum adhiberi oportet. Ad eam nimirum*



ad suetudine corpus viciabunt, medendi vim nullam habitura.  
Et ex hoc ipsò, quòd Parlamentum non sit ordinarius aut  
perpetuus Conventus, Iuculenter apparet, quòd depende-  
at ab aliò. Quod semper est, suapte vi nititur, nec ab aliò,  
ut sit, potestatem accipit. Quod non semper est, ut ali-  
quando sit, ab alterius virtute pendet.

§. VI.

PARLAMENTI CONVOCATIO

penes Regis arbitrium.

A Cujus igitur virtute pendeat Parlamenti convocatio  
à nullius alterius, nisi à Regis. *Parlamentum à Principe  
pro arbitrio indicitur*, ait Gvilielmus Camdenus in *Britannia*  
*sua pag. m. 106.* Idem tradunt Polydorus Vergilius in *Lib.*  
*XI. de reb. Angl* Philippus Honorius in *relat. de regnò Britann.*  
& alii. Ita & Sigismundus Waremund, von ietzigen Zu-  
stand des Königsreichs Engellands / *Discurs. 9. pag. m. 128.*  
Anno 1640. *ist*, den 3. April. ward auff belieben S.  
Wass. ein Parlament in London zusammen geruffen /  
welches sich aber bald wiederumb zergliedert. *ic.* Auff stetes  
anhalten aber ist auff gnädigste Verordnung S. Wass.  
noch im selbigen 1640. Jahr / und zwar den 3. Novembr. ein  
ander Parlament angerichtet worden. Non opus esset,  
multis testimoniorum fidem stabilite, quòd Parlamenti Con-  
vocatio sit penes Regis arbitrium, nisi id negare ausus fuis-  
set Miltonus, Anglus, Gentis suæ, vel potius tyrannidis à  
parricidis quibusdā committæ, Defensor acerrimus, *cap. 9. in*  
*pr. Defens. pro Pop. Angl.* ubi ait : *Si Rex Parlamentum con-*  
*vocat ad procurandas res Populi, non suas, neq. id nisi ad sensu e-*  
*orum atq. arbitrio, quos convocat, quia aliud est, obsecro, nisi mi-*  
*nister Populi & Procurator.* Egregia sanè consequentia, si  
probare possit Brito antecedens aperte fallum, nimirum Re-

gem non nisi ad sensu & arbitrio Populi aut Optimatum Parliamentum convocare posse. Reclamant omnes Historici Angliæ, qui constanti asseveratione dudum attestati sunt, pro arbitrio Regum Senatum hunc convocatum semper esse. Et experientia quoque adversatur. Anne unquam Rex Angliæ Parliamentum convocavit nomine Populi? Ad debuilset, si Ejus minister aut saltem procurator. Minister enim nihil quicquam agere potest nomine proprio, sed quicquid agit, facit nomine Domini sui. Anne unquam Proceres isti convenerunt in unum ad res communes consultandas ( si excipias statum turbatum ) nisi per litteras Regis vocati? Anne unquam Populus aut Plebs coëgit Regem ( uti potuisset, si primarius tantum Ejus esset minister ) ut convocaret Parliamentum? Populus id petit, ait Miltonus d. cap. 9. in pr. ibi: quoribus Populus id petit. Fæc, Populum id à Rege petere. Si supplex petit, quomodo quæso Rex minister Populi dici poterit? A ministro nihil petimus, sed imperamus ei. Quodcunque à me petitur, id possum facere vel non facere, & liberum habeo arbitrium, petitioni isti locum deferre, vel rejicere eam. Nimirum ita convexit Miltonus, semper, quod sibi vel maximè adversatur, id veluti firmissimum causæ suæ subsidium adducit; nec adversariò ipsi opus, cum semper sibi ipsi adversetur.

## S. VII.

### PARLAMENTUM UNIVERSUM INFERIUS IPSO REGE.

Quamquam Parliamentum sive per Regem indulgentiam sive per Procerum arrogantiam magnam sibi acquisierit auctoritatem, nunquam tamen eam accepit, quâ in ipsum Regem infringere justè potuerit; sed uti ab ipso Regibus constitutum, potestatem etiam & auctoritatem

Regis

Regiâ multò inferiorē & ab ipsis Regibus concessam;  
Ipsi quæ ideò subiectam semper obtinuit. Quis putabit,  
Regem convocaturum eos, quos sciat, sibi imperaturos &  
fore superiores? Perpende membra Utriusque Domus Se-  
naculū. *Superius* constat ex Episcopis, Ducibus, Comitibus,  
Baronibus. Sed annon hi omnes, dignitates suas & hono-  
ris istos titulos à Rege adepti sunt. Præterea omnes sunt  
vasalli Regie. Tantum autem abest, ut vasalli in Domi-  
num suum insurgere possint, ut ne quidem eum deferre aut  
aliquid iniquius de eò loqui queant, quin feudi amissionem  
timendam habeant. Domus *Inferior* constat ex Equitibus  
Provincialibus & Civibus Urbium primariis. At quis ne-  
gat, eos singulos Regis esse subditos? Quid pluribus? Fa-  
tentur omnes Historiarum Anglicarum Consulti, *Parla-*  
*mentum* semper *inferius* fuisse ipsò Rege. Confitebantur id-  
ipsum clarissimis verbis Ipsi Conciliū istius Supremi Sena-  
tores in Actō Parlamenti Annō Jacobi Regis primò celebra-  
ti, in clausula Regiam Majestatem ita alloquentes: *Atq; illi*  
*submittimus humiliter & fidelissimè nosmet ipsos, heredes &*  
*posteror in perpetuum, usq; ad extremam guttam sanguinis no-*  
*stri exhaustam, & obsecramus Tuam Majestatem hoc accipere,*  
*ut primos fructus in hac Summa Curia Tui Parlamenti, nostri*  
*obsequii & fidei erga Majestatem Tuam, & Regalem Tuam Pro-*  
*geniem & posteritatem in æternum.* Egrege servârunt Ma-  
jorum suorum fidem ingrati posterī! quàm sanctè Patrum  
& Antecessorum suorum steterunt promissis? quàm pium  
obsequium præstitere JACOBI posteritati? Nondum  
exterlæ sunt sanguinis Regalis maculæ: rubent usque per  
Insulam lucentq;. Sed vix est, ut Regicidium illud ad-  
scribamus *Parlamento*, quin potius hodiè apparet, *Parla-*  
*mentum* (integrum) nihil minùs fecisse, quàm judicasse  
aut damnasse Regem suum. Sed quicquid sit de auctore

istius facti, ( neq; enim hodiè istius, utpote per amnestiam  
seu, ut C. Nepos in *Thrasib. loquitur*, legem oblivionis tantum  
sepulti, vel meminisse decet ) publicà istà Patrum & conscrip-  
torum confessione satis probatum videtur, *Parlamentum*  
*Regiæ Majestati semper subiectum fuisse*. Id si non satis, & ex  
hoc luculenter illud apparet, quòd nullum Decretum ab ut-  
ràquè licet Domò comprobatum subsistere unquam po-  
tuerit, nisi animam quasi & robur illi addiderit iussus sum-  
mi Principis; nulla etiam Constitutio firma, stabilis ac san-  
cta habita, nisi Regis confirmata fuerit assensu. Quid? quòd  
Reges ipsa Parlamenti placita pro libitu semper confirma-  
re potuerint aut rejicere, quod satis testatur *Thomas Smithus lib. 2. de Rep. Angl. cap. 3. in fin. pag. m. 70.* qui refert,  
quòd, cum ultimò Confessus die in Parlamento decreta, re-  
citantur, quorum quodvis hoc quasi capite ac titulò insi-  
gnitum sit: **DECRETUM EST** &c. quæ Princeps com-  
probet, istis verbò robur addat: **REX**, aut ( si sceminæ dia-  
dema obtigerit ) **REGINA ITA VULT**; habranturque  
tùm consummata Regni Anglicani Constitutiones. Qui-  
bus verò Rex derogatum velit, haut pluribus verbis utatur,  
quàm: **REX** aut **REGINA DELIBERABIT**; quæ pro-  
pterea extinctæ penitus ac elusæ censeantur. Quod nec ipse  
diffiteri *Miltonus* potest, utut Regibus Angliæ insensissi-  
mus, in *sua defens. pro Pop. Angl. cap. 9. in pr. ut & Auditor Li-  
belli Hagæ Comit. ex Anglicò in Latinum versi ac inscripti. Ratio constituta nuper Reip. Angl. pag. m. 71.* Facit pro Superi-  
oritate Regis, quòd minuere & augere numerum ad au-  
gustum hoc Concilium vocandorum semper spectat ad  
Ejus arbitrium, quod & innuit *Camdenus in sua Britannicâ*  
*pag. m. 206.* Integrum enim Regi semper fuit, quocumquẽ  
vellet, Comitum vel Baronum titulò ac insignibus decora-  
re, & ad majorem Parlamenti Domum evocare. Quod satis  
testatur



testatur Philippus Honorius in *Relat. de Regn. Britann. in fin.* quin etiam, ait, non modò quicquam decernere aut quemcunq; actum facere nuncunt, sed ne congregari quidem possunt, nisi iuxta Regiò. Solent q; Reges ad ea quoslibet admittere, atq; ab eisdem removere; nempe ita formidabiles cunctis facti sunt, ut nemo in Parlamento, aut extra ipsa, audeat sese ne minimò quidem verbo Regia voluntati opponere, nisi sibi damnum ac ruina vellet accersere.

§. VIII.

CONTRA MILTONUM DISPUTATUR.

SI hæc jam ita se habent, uti ex Historicis fide dignissimis scatis à me hætenus probatum esse puto, quâ fronte & sibi & aliis persuadere conantur quidam Angli, *Parlamentum non esse Regi subordinatum, sed coordinatum.* Tres ním. esse Parlamēti Ordines nec autoritate nec potestate inter se differentes, Regem, Domum Superiorem & Inferiorem. Alii magis ineptiunt, propugnantes, Regem considerari tantum debere ut membrum aliquod Parlamenti, non ut Dominum aut Caput Ejus. Audiamus Interlocutorem Miltonum. Dicit cap. 8. dict. Defens. p 75. *Parlamentum frenum Regis dicitur, adeoq; non magis Rex Parlamenti est dominus, quam equus est sui domini freni.* Tales hic homo consequentias torquere solet, quales Ocnus funes apud Inferos, quæ nulli sunt usui, nisi ut comedantur ab asinis. Candidius longè scripsit Philippus quondam Honorius in d. *Relat. de Regn. Britann. in fin.* quemadmodum servi, ait, & subditi sunt ij, qui Parlamenti intersunt, ita actiones & consilia inde prodeuntia servilia esse necesse est. Sed respondendum Miltono. Fac, Brito, Parlamentum per Leges quasdam statús Fundamentales refrenasse aliquò modò Dominicam Regum potestatem, adeò ut in summis Rebus & arduis Reges Consi-

lium Procerum adhibere necesse habuerint; Fac KARO-  
LUM quoque, modernum Insulae Principem, in capita  
quædam Parlamento jurasse. Anne exinde sequitur, Reges  
Angliæ esse ministros Parlamenti, aut saltem non Dominos. Per-  
curre omnia Regna, quæ Leges habent Fundamentales. &  
perpende, an Leges istæ summo Regum Imperio quid de-  
trahant. Hispaniæ, Galliæ, Ungariæ, Daniæ, Poloniæ, Swe-  
ciæ & plurimi alii Reges Legibus se adstringunt fundamē-  
talibus. *Bened. Carpzov. in Leg. Reg. Germ. cap. 1. sect. 1.* quis  
autem istis potentissimis Regibus ob id summam denega-  
bit potestatem, seu uti vocant, maiestatem? *Idem cap. 12. sect.*  
*4. n. 10.* Potestas, quæ *absoluta* dicitur, non sic dicitur *respe-*  
*ctu rerum agendarum*, quasi quidvis agere liceat, quod libe-  
at (quod *Julius* quondam *Antonino* persuadere satagebat)  
sed *respectu potestatis superioris*, quam nescit. Quando igitur  
non cogitur quis à superiori, sed suâ se voluntate adstringit  
ad id, quod in cōmoda subditorū vergit, potestati absolute  
nihil deccedit. Sicut supremum Numen nō idcirco, quia pec-  
care non potest, minus est seipsō, sed cō illustrior & admira-  
bilior fit ipsius perfectio & omnipotentia: Sic etiam Reges,  
cū Legibus ad salutē Regni spectantibus sponte se adstring-  
unt, ad perfectionem propius accedunt, quam si ex arbi-  
triō & voluntate omnia gerant. nedum absolute ipsorum  
Imperio aliquid inde abibit. Et si inde periret potestas  
Monarchica, nullum esset invenire Regem absolutum in  
tota Rerum Universitate; cū omni Imperans, si Rerum  
gerendarum gravitas exigat & occasio patiatur, ex natura  
suâ obstringatur, consilium adhibere Statuum, teneaturque  
de omnium, aut locō omnium, plurium sententiā aggrede-  
ri, quod omnium periculō effecturus est; nisi à Regis vir-  
tutibus ad tyrannicam dominationem cursum flectat. Ar-  
gumentor: Quicumque promittit aliquid facere vel non  
facere,

facere, ad quod faciendum vel omittendum vel naturaliter vel moraliter obligatur, ejus potestas libera per hoc non imminuitur. Ratio, quia ejusmodi promissi oppositum aut naturaliter aut moraliter ipsi impossibile est. Quod autem alicui ita impossibile est, illud ejus potestatem neq; tollit, neq; imminuit. Posse enim non impossibilibus est, sed eorum, quæ possunt fieri. E. g. si promittam, *me velle edere, dormire; item honestè vivere*. Prioris promissi oppositum *non edere, non dormire*, naturaliter; posterioris, *non honestè vivere*, moraliter impossibile mihi est, per l. 15. ff. de condit. insti. Ad prius igitur, *nim. ut edam, ut dormiam*, naturaliter; ad posterius, *ut honestè vivam*, moraliter obligor, siue promittam, siue non promittam. Oportet me edere, dormire, ut vivam. Impossibile est me vivere, si non edam, si non dormiam. Sic Reges quoq; oportet Leges observare Fundamentales, ut imperent. Quia si non observant eas, non imperant, sed tyrannicè dominantur. Contradictionem moraliter implicat, imperare & non imperare secundum Leges fundamentales. Hæ enim faciunt Regem esse Regem ut sic. Et Rex neglectis Legibus Fundamentalibus non Rex manet, sed tyrannus evadit. Quid igitur? Concedamus, Reges Angliæ in initiis aditi Principatus seu Inaugurationis tempore *Juramentum pro salute Regni* Parlamento *prestasse*, ipsum etiam KAROLUM II. fortissimum Heroem, in primordiò aditi Regni Patrii in capita quædam Parlamento *jurasse*. Non exinde sequitur, *Reges Angliæ non habere potestatem absolutam*. Nec enim juramentum, quod in omnibus ferè Regnis obtinet, etiam puti, pro salute Reipubl. à summò Principe interpositum & præstitum, maiestatem ejus lædit, uti de hoc puncto jamtùm paulo liberius differuimus. Quid & hisce Juramentis Principes solvere, quibus Reip. salus continetur, quid aliud esset, quam tyrannum efficere, & totum Imperium pessundare.

# PARLAMENTI JUS AC POTESTAS in Statu Reip. turbatō.

Quaquam in initiis Turbarum Parlamentum & Exercitus Angliæ non videri volebant, conatus suos eo dirigere, ut Regiæ Potestati tum constitutæ item intenderetur, sed ut Regiam dominationem ad normam saltem revocarent, ipsumque Regem intra cancellos legitimæ potentie cohiberent; quinimò ne in mentem quidem sibi venisse ajunt, *Regium Imperium rescire*, & quod ad ipsum K A R O L U M attineret, ne minimum quidem Ejus repudiandi Consilium primum fuisse; id tamen ipsi Angli, qui id scribunt, fateri necellum habent, id saltem, si non aliud, Parlamentum intendisse, ut supremus Insulæ Magistratus non sanguinis jure, sed per suffragia acciperet purpuram. Ita *Auctor Libelli ex Anglicò in Latinum versi ac inscripti: Ratio constituta nuper Reip. Angl. penes Dn. Protectorem ex Parlamentum* pag. m. 10. Hic etiam, ait, *memoria tenendum est, quòd ipso tempore, cum ab Exercitu scriptum illud Fano Sancti Albani est editum, paulò antequam Rex tribunali sisteret, ne in mentem quidem venisse Regium Imperium rescirendi, dummodò Electivum foret.* Et Regiam quidem Dominationem nec in Statu Turbatō huic Genti fuisse, adeo infestam, vel ex eo patescere potest, quòd Parlamentum nomine Populi, quòd Protectori Insulæ, Cromwello, Regios Fasces non semel Anno 1657. solenniter & publicò in Confessu obtulerit. Quò ipso satis prodiderunt Patres Conscripti, *Regiam Dominationem* ipsos non adeò subterfugere, modò non hereditariò jure uni stirpi annectatur, sed per eorum suffragia dignissimo deferatur, qui cum precariò ad scepra perveniat, non renueret, Leges quascunque, etiamsi summæ Potestati inimi-



cas, recipere; aut saltem cogitaret, quòd non semper esset imperatorus. Quò enim aliò fine Patres Purpurati *electi-  
vum Regem* postulabant, quàm quòd sperarent sub tali Prin-  
cipe Ipsi regnare? Aut ut potestatem nanciscantur, tali, si  
non secundum placita eorum publicam Rem gerat, sceptrum  
enipere? *Populus Regem facere jure adfectus, sapè quoq; cum  
audet amovere injuria;* Eleganter Joannes Barclajus in *Ar-  
gvide Lib. 1. pag. m. 117.* Et ita quoque Britones animatos  
fuisse, ipsi non ita pridem reddiderunt manifestissimum,  
dum post *Cromwelli sui fata* Ipsius Filium ad Illustre Prote-  
ctoris Munus communibus suffragiis vix admissum iterum  
rejecerunt, istamque dignitatem simul cum Ipsò. Nec un-  
quam viderur animus fuisse Anglis, Protectorum jugo se  
perpetuo subicere, cum Parlamentum Summum istud Mu-  
nus in *Cromwellum* non hereditariò jure contulerit, sed  
ipsius tantum personæ augustum hunc titulum competere  
voluerit, prout testatur suprà memoratus Auctor *de Rat.  
constit. Reip. Angl. pag. m. 93.* Postremò, ait, quod ad ipsum Dn.  
Protectoris Munus, advertendum est, neminem ad eam dignita-  
tem provehendum esse, vel Sui vel Familiae suae causâ, sed dñ-  
taxat prout idoneus & illo munere dignus videbitur, quod non  
hereditariò jure sed per suffragia ad Eum pervenire. Et hac viâ  
Parlamentum potestas omninò stabilita fuit. Vidimus enim  
tunc temporis, præprimis post Protectoris ultimum diem,  
Parlamentum omnia *Suprema Potestatis* Capita, Populi no-  
mine, exercuisse, non ea modò, quæ sub Regibus potestate  
deputatis sibi vendicabat, sed ea etiam, quæ antea ne postu-  
laret quidem. Non ea modò, quæ Civitatem concernunt  
domi, sed & hæc, quæ foràs seie ad Exteros porrigunt, ac  
partim Legationes, partim fœdera, partim bella attinent.  
Censuræ Religionis res omnes pro arbitrio tractabat atque re-  
formabat. Leges cum promulgabat novas, tùm veteres

abrogabat. Magistratus ordinabat; tribunalia statuebat; tributa atque vectigalia extendebat modò, modò remittebat; cudebat monetas. Magna hæc Summæ Potestatis argumenta sunt, at majora restant. Disponebat præsidia; ordinabat Exercitus; instruebat Classes; Legatos mittebat, recipiebat. Fœdera inibat, ambiebat. Et quin omnes solennes Reipubl. novellæ enumeret actiones? *Alit penes quos ista summa Rerum gerendarum potestas residebat?* (qui exercuerint, jam diximus) aut ut cum Civilis Prudentiæ Præceptoribus loquar, *qua Reipublica cum forma mixta, an pura?* difficile hoc admodum, ignotum scerè, dubium. Dicit *Miltonus*, quòd publicâ Parlamenti auctoritate arcani quadraginta Nominum Senatus, quem *Consilium Secretæ* appellitarint, constitutus fuerit, quòd utile visum fuerit, quædam ad paucos referre, in novellam Reipubl. Constitutionem benè animatos. Quid igitur? Anne isti Collegio summam tribuimus potestatem? Alit dependebat id a *Parlamentò*. Nam à *Parlamentò*, aut, si mavis, à *Populò* id *Parlamentò* constitutum erat. Ita enim loqui amat *Anglus* in *suprà memoratò tract. de constit. Rep. Angl. pag. m. 90. quod id Consilium*, ait, *tametsi electio eorum, qui in illo adsunt, non explicite & propriè, virtute tamen atq; ultimo penes Populū in Parlamentò est*. An igitur toto *Parlamento*? Alit hoc ipsum depēdebat tum à *Populò*, uti jam dictum, ac *Milto*ne *Expulsi*, & omnes *Scriptores Anglici neoterici* clarè fatentur. Expressè *Brito* anonymus in dict. tract. de *constitutâ nuper Rep. Angl. pag. m. 92. quicquid agit Parlamentum*, ait, *idceptione Politica à Populò actum dicitur atq; censetur*. Et quamvis inficiarentur hoc, testarentur id publica monumenta, quæ nomen *Populi Anglicani* in fronte habent. Quid? quòd *Parlamentum nomine Populi, dei Gemeinde in Engelland*, tristissimam illam & execrandam in *K A R C*

LUM L. tulerit sententiam, atque post Ejus fata, omnia Imperii expediverit negotia. Dicimus igitur ex communi Civiliū Magistrorum loquendi modo & veritate Rei, in statu Angliæ turbato *Aristocraticè administratum fuisse popularem statum*. Tum enim Britannia liberam se vocabat Remp. & ita vocari in publicum unice amabat.

§. X.

PARLAMENTI  
JUS AC POTESTAS  
in statu Monarchicò.

Parlamentum vetus, anno 1649. ( gloriosissimo Regi KAROLO PRIMO fatalis is erat ) nescio ex quibus Martis pullis & infimæ sortis hominibus conflatum, gloriabatur in Declaratione tum emissâ, *Regem Parliamenti auctoritate fuisse electum*, publicæq; salutis protegendæ præfectum, adeoque liberum atque integrum Parlamento remansisse, de Eodem pro lubitu disponere. Miror, quid crepent Declaratores de *Regis electione*, quam omni ævò Insula ignoravit. *Hereditarium* enim fuisse Regnum Angliæ, fixumque & immotum jus successionis in Regnantibus durâsse semper, testatur omnis Historia. Nec regni forma unquam innovata, *licet Domini immutari sæpè*. qui ipsi tamen hereditarium hoc Regnum esse semper voluerunt. *Romani* Regibus, qui Britanniam antea tenuerant, eripuerunt: *Romani Angli & Saxones*: his *Dani*: Danis deinde iterum *Saxones*: tandè Saxonibus *Normanni*, ex quorū Gente continuâ serie per sexcentos circiter annos successerunt Reges. Confessum est hoc ipsum Parlamentum modernum, dum non ita pridem, ante felicissimum Regis KAROLI II. Reditum, *Eum legitimum Regni heredem, einen rechtmässigen Erben des Königreichs* / Londini publicè procla-

mavit. Non opus est, inspicere, an primus ex Norman-  
 norum Gente Rex, *Guilhelmus ille Normus*, cognomento *Con-*  
*quistor*, à Parliamentò creatus sit: Nam satis notum est, ab  
 armis jus suum accepisse, non ab ullò Senatu, qui tunc fue-  
 rit, aut qui hoc potuerit. Nunquam legimus, à *Parliamentò*  
*is Reges ullos constitutos*, sed à *Regibus Parliamenti*. Hoc qui-  
 dem jus longò ævò Parliamentum usurpavit, ut *proclamaret*  
 publicè Regem, cui hereditariò jure sceptrum obtigit. Ve-  
 rùm non ut istiusmodi Proclamatione Regem faceret, sed  
 tantum eum in finem, ut omnes Imperii Cives admoneret  
 debiti obsequii, subjectionis & reverentiæ erga Regem,  
 quem sanguinis ratio ipsis dedisset. Patent hæc omnia ex  
 Proclamatione, quæ sextò die ante gloriosissimum Regi  
 KAROLI II. in Insulam Reditum *Londini* à *Parlamento*  
*Utriusque Domûs primariis membris in magnò Civium Co-*  
*mitatu & communi omnium applausu solenniter publicè*  
*locis affixæ est.* Valdè è re erit, cum maximam fidem de-  
 ctis nostris Ea proclamatio afferre possit, ejus verba Germa-  
 nò ore hic referre: Ob gleich kein Zweifel kan getragen  
 werden / daß Ihrer Königlichē Majestät Recht und Ti-  
 tul zu Ihren Kroonen und Königreichen / durch den Tod  
 seines Könighchen Herrn Vaters / gloriwürdigsten Be-  
 dächtnuß/ohne die gewöhnliche Ceremonien und Solenni-  
 tätē/unwidersprechlich und vollkommen zugefallen ist:  
 iedennoch/ weil in solchen Fällen Proclamationes iedertzeit  
 üblich und in löblichem Gebrauch gewesen / zu dem Ende/  
 auff daß alle Unterthanen bey solcher Gelegenheit Ihren  
 schuldigen respect erweisen können, Weil aber bißhero die  
 gewapnete Macht und andere Calamitates von vielen Jah-  
 ren uns solcher Gelegenheit beraubet haben/wodurch wir  
 unsre schuldige Unterthänigkeit und Treue Ihrer König-  
 lichen Majestät gehorsamlich möchten zu erkennen geben



Derowegen thun wir Herrn des Ober- und unter-Hauses  
 im Parlament gegenwertig versamlet/ zugleich mit dem  
 Präsidenten/ A. Kerminus und gemeinen Rath der Stadt  
 London/ und andern Landsassen 120 zugegen/ vermöge un-  
 serer Schuldigkeit und Treue/ herzhlich/ vergnüglich/ und  
 einhällig erkennen und proclamiren/ daß so bald die Seele  
 des verstorbenen Königs KAROLI aufgefahren/ die  
 Königliche Kroone des Königreichs Engelland/ und aller  
 angehörigen Königreichen/ Herrschafften und dominien  
 durch angeerbtes Recht/ erblich und durch rechtmäßige  
 Succession Ihrer Königlichen Majestät KAROLO dem  
 Andern zu gefallen sey/ der da aus dem königlichen Stam-  
 me gebohren/ und ein rechtmäßiger Erbe dieses Königrei-  
 ches ist/ und daß Er durch Gottes Gnade und Providenz  
 von Engelland/ Schottland/ Frankreich/ und Irland/  
 der glorwürdigste/ mächtigste/ un rechtmäßige König sey/  
 welchem wir uns selbst/ unsre Erben und Nachkömmlinge in  
 aller schuldigen Unterthänigkeit ergeben und unterwerf-  
 fen. Hoc igitur jure publice proclamandi Regem, ante-  
 quam is Principatum sanguinis jure ad se delatum adeat,  
*Parlamentum* fruitur; Sed in quem finem, ex dictis jam pa-  
 ret. Post aditum à legitimo Regni successore Principa-  
 tum, *Parlamentum*, si non ob graviora Regni negotia Con-  
 silia publica Regi instituere placuerit, dimittitur, & potes-  
 tate, si quam habet, exiit. Mox, si quaedam ad publi-  
 cam Rem vel benè gerendam vel rectè conservandam ma-  
 turiori acumine deliberanda veniunt, iterum *pro Regis arbi-*  
*trio* convocatur, & jure ac potestate plenà instruitur, ut in  
 Reip. salutem de publicis Regni negotiis consilia instituere  
 possit. Et hoc ad captandum Populi amorem Reges  
 frequentius facere, *suprà* §. 5. diximus, ut quæ pro omnium  
 salute sunt suscipienda, de omnium aut locò omnium, plu-

rium sententiâ aggrediantur. Sic enim Populus gaudet obsequi Regibus, & Reges tutò possunt imperare Populo.

§. XI.

## EPILOGUS

ad KAROLUM II.

MAGNÆ BRITANNIÆ REGEM.

**E**TTIBI, KAROLE, Britones Tui jam obsequi gaudent, & sub Tuò Imperiò securi vivunt. Nunc tandem publicè testantur, quò in TE animò fuerint, & aperte execrantur iniquissimâ Tuâ fatâ. Fruere nunc Tuâ quiete, REX OPTUME MAXUME, qui postquam extorris, alienæ opis indigus, humanæ fragilitatis exemplum Orbi exhibens, satis diu Exilium Tuum circumtulisti, nunc poteris exosculari divinam manum, quæ olim mortale vulnus infixit. Nunc poteris ducere serenum ævum, ridens ætheris minas. Nunc poteris, evasus de naufragâ rate, arenam securis gresibus premere, cautesque ac scopulos, quibus Te iniquior tempestas illisit, gratisimò horrore de litore contemnere. Nunc poteris triumphare, FORTISSIME HEROS, de hostibus Tuis, cum quibus manus conferere unicum Tuum erat votum. Sed satis abrepti non potuerunt Tuas experiri vires. Consurge nunc in arma, & si qui reliqui sunt Majestatis Tux insidiatores, invictis virib<sup>9</sup> justissimam de iis sume vindictam. Malos sterne, bonos serva, plurimos clementiâ vince, & quod armis & virib<sup>9</sup> obtinere nō potes, hoc Pacifici opinione & re consequere. Sic omnes ad TE jucundissimè trahes; omnes Tibi lenissimè subicies; nullâ vi, nullò impetu, nullâ cæde, solâ DEI protectione acerrimos & potentissimos hostes cohibebis. Prudentiâ & Clementiâ omnium Civium animos in laudē

Tuam inflammabis; ora omnium, oculos, manus quoq; & quicquid cuiq; virum est, ad eam significandam, publicè & privatim convertes. Hinc tabulæ, hinc æra, hinc marmora, hinc æterna literarum monumenta, non posteritati tantum, sed æternitati illustrissimas Tuas Virtutes & Felicitatem tuam commendabunt. *Faxit Deus*, ut mitioribus tandem decretis suum quoq; in nos crimen *Fortuna* excuset!

## TANTUM!

---

### COROLLARIA

ex Jure Publico.

I.

**L**icet *Roma* ab Imperiò avulsa, nihilominus rectè adhuc Imperatores Romanos dicimus.

II. Imperator non est Status Imperii.

III. Status Imperii non potest esse sine territorio.

IV. Elector non potest absens votum suum de eligendâ certâ personâ per literas mittere.

V. Electores eligunt ut singuli, non ut collegium.

---

### CASUS

ex Jure privato.

I.

**T**itius ducit uxorem Cajam. Caja elapsò unò vel alterò annò transmutatur in Virum. Q. an Caja hæc solutò per hanc metamorphosin matrimonio possit repetere dotem? Diff.

II.

Sempronia defunctò marito Mæviò nubît Titio. Mævius divinâ potentiâ in vitam resuscitatur mortalem. Q. An Mævius hic secundum vivos uxorem Semproniam & bona sua repetere possit? Aff. *Ad*

*Ad Generosum*

**DN. DISPUTATOREM**

**E**N feræ sortis satiatus **EXUL**  
**REGIUS** ludô solium recepit  
Patrium tandem, celebrans triumphos,  
Et suæ Gentis Pater atque Princeps  
Jam salutatus regit æquus illos,  
Mens quibus serô melior resedit.

**SCHULTE**, sublimi speculâ **BRITANNOS**  
Orbe divisos respicis, novûque  
excipis plausu **KAROLUM**, docesque  
Jura quid Regis valeant in **ANGLOS**.

Arduum, curâ geniô Tuoque  
Suscipis dignum; meditatus antè,  
Si sit errandum, satius putari,  
Rebus in magnis gravibusque labi.

**PRÆSES.**

